

Este convenio obriga ás partes que o asinan ao seu cumprimento, e sométense ao acordado en todas as cláusulas.

Faise constar que o presente convenio foi aprobado por resolución da presidencia número 24938 de data 25 de agosto de 2020.

E en proba de conformidade asinan por cuadruplicado exemplar o presente convenio no lugar e data indicados no encabezamento.

**O PRESIDENTE DA DEPUTACIÓN
PROVINCIAL DA CORUÑA**

**O REITOR DA UNIVERSIDADE
DA CORUÑA**

Fdo.: Valentín González Formoso

Fdo.: Julio Ernesto Abalde Alonso

**A SECRETARIA ACCIDENTAL
DA DEPUTACIÓN PROVINCIAL DA CORUÑA**

Asdo. María Amparo C. Taboada Gil



**DEPUTACIÓN PROVINCIAL
A CORUÑA**

SERVIZO DE PATRIMONIO E CONTRATACIÓN



Número 55/2020

**CONVENIO ENTRE A UNIVERSIDADE DA CORUÑA E A DEPUTACIÓN DA CORUÑA
PARA O USO DO COMEDOR DO IES CALVO SOTELO POLOS/AS USUARIOS/AS DA
RESIDENCIA UNIVERSITARIA ELVIRA BAO DA CORUÑA (cursos 2020/2021 e
2021/2022)**

Na Coruña, a 14 de setembro de 2020.

REUNIDOS

Dunha parte, Don Valentín González Formoso, presidente da Deputación Provincial da Coruña, en uso das atribucións que lle confire o art. 34 da Lei 7/1985 de 2 de abril de bases de réxime local.

Doutra, D. Julio Ernesto Abalde Alonso, Reitor da Universidade da Coruña (en diante UDC) en virtude do Decreto 5/2020, do 9 de xaneiro, polo que se nomea reitor magnífico da Universidade de A Coruña (DOG 13/01/2020), e intervindo no exercicio das facultades que lle confire o artigo 20 da Lei orgánica 6/2001, do 21 de decembro, de Universidades (BOE do 24/12/2001), e o artigo 36.1.f dos Estatutos da UDC, aprobados polo Decreto 101/2004, do 13 de maio (DOG do 26/05/2004), modificados polo Decreto 194/2007, do 11 de outubro (DOG do 17/10/2007).

Todas as partes recoñécense reciprocamente a capacidade xurídica necesaria para subscribir o presente convenio e na súa virtude,

EXPOÑEN

- 1.- Co obxecto de atender a demanda e as necesidades de aloxamento temporal do estudante universitario, a Deputación da Coruña, mediante acordos plenarios adoptados polo Pleno da Corporación en sesións celebradas o 8 de outubro de 2015, o 6 de novembro de 2015 e o 29 de xaneiro de 2016, aprobou definitivamente o expediente de desafectación parcial do Centro Calvo Sotelo e a cesión de uso á Universidade da Coruña, para a súa utilización como residencia universitaria, aprobándose tamén o convenio de cesión de uso
2. O 23 de novembro de 2015, formalizouse en documento administrativo número 176/2015 o CONVENIO DE COLABORACIÓN ENTRE A EXCMA. DEPUTACIÓN PROVINCIAL DA CORUÑA, A UNIVERSIDADE DA CORUÑA E O CONCELLO DA CORUÑA PARA A CESIÓN DE USO DE PARTE DO EDIFICIO DO CENTRO CALVO SOTELO PARA A SÚA UTILIZACIÓN COMO RESIDENCIA UNIVERSITARIA.
3. O 23 de xullo de 2018 asinouse acta de recepción das obras do proxecto modificado do acondicionamento da residencia do Centro Calvo Sotelo (Fase I e Fase II).
4. De conformidade coa cláusula décimo terceira do texto do convenio, a UDC redactou o estudo de viabilidade,
5. Por resolución da Presidencia número 26712 de data 07/08/2018, aprobouse a formalización da acta de entrega á UDC para Residencia Universitaria Elvira Bao, que suporá a posta en servizo da primeira residencia pública universitaria na cidade da Coruña.
6. A acta de entrega da Residencia formalizouse o 10/08/2018.
7. Unha vez que a Universidade da Coruña asumiu a xestión da Residencia Elvira Bao e realizou a primeira fase de selección de alumnos que se aloxarán nela, procede regular o uso das instalacións do edificio colindante do Calvo Sotelo, en particular da posibilidade por parte do alumnado da Residencia Elvira Bao de utilizar o comedor do Calvo Sotelo para realizar os almozos, xantares e as ceas.
8. O convenio asinouse o 20 de decembro de 2019, formalizándose en documento administrativo número 102/2019.

9. Tendo en conta que a experiencia de xestión e colaboración coa UDC foi moi proveitosa e exitosa para o emprego do comedor por parte dos alumnos da Residencia Elvira Bao, ambas institucións consideran de grande interese seguir colaborando na citada actuación.

Por todo iso, as partes asinantes, para lograr unha maior eficacia na consecución dos seus fins, subscriben este convenio conforme ás seguintes

CLÁUSULAS

Primeira. Obxecto

É obxecto do presente convenio establecer as condicións de uso por parte dos/as usuarios/as da Residencia Universitaria Elvira Bao do comedor da Residencia Calvo Sotelo.

Segunda. Obrigas das partes

A Deputación Provincial da Coruña pon a disposición dos alumnos da Residencia Elvira Bao, o comedor da residencia do IES Calvo Sotelo, nas seguintes condicións:

1.- Organización do comedor

Estará rexido polas mesmas normas de organización e funcionamento da residencia do IES Calvo Sotelo

1.1. Requisitos previos. Procedemento de utilización do comedor.

A UDC ten o deber de informar ao Centro Calvo Sotelo da identidade dos/as residente que estarían autorizados a recibir as prestacións do centro, coas altas e as baixas que se poidan producir durante o curso académico.

Para unha adecuada prestación do servizo, a Universidade, mensualmente e antes do día 30 de cada mes deberá comuniar ao IES Calvo Sotelo os/as usuarios/as que utilizarán o comedor o mes seguinte, e as intolerancias/alerxias alimentarias previamente verificadas documentalmente pola Universidade. Esta comunicación poderá ser electrónica pola UDC, coa relación de usuarios/as autorizados/as, a fin de facer máis áxil o envío desa información.

1.2. Horarios:

ALMORZO: de luns a venres de 7:30 a 8:45

XANTAR: de luns a venres de 14:00 a 15:30

CEA: de domingo a xoves 20:30 a 21:30

Os menús serán os mesmos que os dos/as alumnos/as do IES Calvo Sotelo

1.3. Calendario

O servizo de comedor estará dispoñible desde o inicio do curso ou dende a sinatura do convenio correspondente que regule o uso do comedor ata o 30 de xuño do 2021, e dende o inicio do curso 2021-2022 ata o 30 de xuño do 2022, e exceptuando vacacións, festivos e días non lectivos do IES Calvo Sotelo, dos que se informarán aos responsables da universidade con suficiente antelación

1.4. Condicións de acceso

Os/as universitarios/as que acudan ao comedor terán que identificarse á entrada do mesmo.

2. Prezos e liquidacións

A Deputación Provincial da Coruña percibirá da UDC unha compensación anual polos gastos en que incorra no desenvolvemento deste convenio polo curso 2020-2021 e polo curso 2021-2022, dun importe de 226 euros/mes/alumno/a (inclúe os meses de setembro a xuño).

A dita compensación será satisfeira conforme a liquidación do prezo concertado presentada polo Deputación Provincial da Coruña, despois de ter finalizado o curso 2020-2021 e posteriormente do curso 2021-2022, e sempre anterior ao 15 de decembro de 2021 ou 2022 no seu caso, de acordo ao procedemento que se aprobé por Resolución da Presidencia da Deputación a proposta da Tesourería provincial.

3. Disponibilidade de prazas de comedor

O número de prazas ofertadas polo IES Calvo Sotelo é de 70 prazas.

Terceira. Comisión de seguimento

Para o seguimento e control do cumprimento dos compromisos adquiridos no presente convenio, ademais de para aclarar as dúbidas que suscite a súa interpretación, constitúese unha Comisión de Seguimento que estará composta por dous representantes de cada unha das partes asinantes, que se encargarán de garantir o seu cumprimento eficaz e acordar, se for preciso, as accións necesarias para o seu correcto funcionamento.

O funcionamento da comisión axustarase ao que dispón a Lei 40/2015, do 1 de outubro, de réxime xurídico do sector público.

A Comisión reunirse, en sesión ordinaria, unha vez por curso académico e de forma extra-

ordinaria por petición de calquera dos seus membros se non fora dabondo a frecuencia anual

No caso de que, tras calquera avaliación, se constatase a existencia dalgún incumprimento dos compromisos do convenio por calquera das partes, a Comisión instará a quen corresponda a resolver o problema detectado e, na súa falta, informará diso oportunamente aos representantes das partes, para a decisión que estes estimen procedente, incluída, de ser o caso, a resolución unilateral do convenio, de acordo co previsto na cláusula quinta.

Cuarta. Modificación do convenio

Calquera modificación ou ampliación nalgunha das cláusulas deste convenio requirirá proposta da comisión de seguimento e os correspondentes informes por parte do Servizo de Patrimonio e Contratación e Secretaría e Intervención da Deputación e dos departamentos correspondentes da Univeside e aprobación polos respectivos órganos competentes.

Quinta. Resolución do convenio

Este convenio poderase resolver polas seguintes causas:

- Por acordo das partes asinantes.
- Por causas debidamente xustificadas que comunique por escrito calquera das partes, cun mínimo de un mes de antelación á data de resolución.
- Por denuncia do convenio por calquera das partes no caso de que, con motivo das valoracións de cumprimento que efectúe a Comisión de Seguimento prevista na cláusula terceira se constate que algunha delas non está a cumprir adecuadamente os compromisos adquiridos na súa virtude, e non fosen tomadas as medidas oportunas para corrixir o problema detectado.
- Por demora superior a seis meses do prazo para o ingreso das liquidacións pola utilización do comedor.

A revogación ou denuncia do convenio por unha das partes terá efectos dous meses despois de ser notificada ás outras partes por escrito en que se expresa a vontade de prescindir de toda ou parte da colaboración que recolle este convenio.

Sexta. Réxime xurídico

O presente convenio ten natureza administrativa de conformidade co previsto no artigo 6 da Lei 9/2017 de 8 de novembro, de contratos do sector público, polo que queda fóra do seu ámbito de aplicación.

Polo que respecta ao funcionamento da comisión de seguimento, rexerese pola 40/2015, do 1 de outubro, de réxime xurídico do sector público.

Sétima. Resolución de conflitos

Mediante a sinatura do presente convenio, as partes comprométense a resolver de mutuo acordo as incidencias que poidan xurdir no seu cumprimento.

As cuestións litixiosas que xurdan entre as partes durante o desenvolvemento e a execución do presente convenio e que non poida resolver a Comisión de Seguimento prevista na cláusula cuarta, someteranse á xurisdición contencioso-administrativa.

Oitava. Vixencia e entrada en vigor

O prazo de vixencia do presente convenio finalizará o 30/07/2022 e terá efectos retroactivos dende o 01/09/2020. O convenio poderá prorrogarse excepcionalmente por un ano máis de forma expresa, a proposta da Comisión de seguimento, previos os informes do Servizo de Patrimonio e Contratación e Secretaría e Intervención da Deputación e dos departamentos correspondentes da Univeside e aprobación polos respectivos órganos competentes.